

parte; tunc videbatur quod tam rem mobilem possideat civiliter & naturaliter, quia qui possidet continens, videtur possidere contentum, & in specie pro hoc facit bonus textus in leg. 1. §. Illud, & §. Planè, & §. Si fundus, & §. Quod autem. ff. de Vi & vi arm. sed crederem etiam; quod hoc casu non possideat naturaliter rem mobilem, sed tantum civiliter, per textum, in dict. §. Nerva filius, juncta ratione & communi opinione. Si vero talis res mobilis non est sub custodia possessoris, quia deperdita est, vel aufugit, taliter quod non est in potestate possessoris, quando velit, eam recuperare; tunc amittitur utraque possessio tam civilis quam naturalis, etiamsi per alium res illa mobilis non sit occupata: textus est in dict. leg. 3. §. Nerva filius, & ibi Glossa ordinaria & communiter DD. textus in leg. Rem quae nobis in princip. eodem titul. & ibi DD. Ex quo collige, quod licet in rebus immobilibus semper quis in absentia retineat civilem possessionem, licet naturalis sit ab alio occupata, ut in dict. §. Qui ad nundinas, & supra late dictum est; tamen secus est in rebus mobilibus: & ratio vera & subtilis est, quia res mobilis faciliter potest occultari & contractari; unde possessor videtur amittere animum possidendi: sed res immobilis non potest moveri, occultari, vel contractari, ut de se patet, & probat textus in leg. 2. Cod. Quando & quibus quarta pars debetur, ibi: Immobiles quidem res, quae nec latere facile possunt, unde faciliter poterit naturalem possessionem recuperare, etiam non facta diligenter inquisitione, modò res sit ab alio occupata, modò non: nisi tanta sit ingressi potentia, quod non sit in potestate & facultate absensis eam recuperare; vel absens suscipetur se posse repellere & animo desinat possidere; nam tunc etiam possessionem civilem amittit, ut dict. §. Qui ad nundinas, & supra dictum est. Et in terminis istam rationem differentiae inter res mobiles & immobiles ponit solus Socin. in dict. §. Nerva filius. 2. col. in medio, vers. Tu considera.

Ex qua conclusione sic confirmata & declarata primò inferò, quod si quis emit rem mobilem à non domino bona fide, & cœpit eam usucapere; si semel eam perdiderit, vel talis res effugiat ejus custodiæ, statim interrupitur usucapio, ut in leg. Naturaliter. ff. de Usucap. unde licet postea res inveniatur, non prodest illa usucapio, sed oportet incipere de novo: & in expressò determinat Paul. de Castr. in dict. §. Nerva filius, quod est bene notandum in practica. Secundò infero, quod tali casu non competenter aliqua remedia possessoria ei qui primò possidebat prædictam rem mobilem, nisi remedium text. in leg. final. Cod.

Unde vi, ut infrà dico suo loco. Tertiò infero, quod si isto medio tempore vendat illam rem mobilem cuius custodia est amissa, & se constitutat nomine emptoris possidere, vel ei tradat instrumentum, vel titulum juris sui; non transit in eum aliqua possessio nec ejus effectus. Si vero sit res mobilis animata anima rationali, ut servus; tunc si non sit sub custodia possessoris, quia aufugit ab eo, licet perdat possessionem naturalem, benè retinet civilem; & in hoc differt ab aliis rebus mobilibus: cuius ratio est, ne sit in potestate servi dominum sua possessione privare: Si vero talis servus ab alio fuerit occupatus, tunc possessor statim amittit utramque possessionem: textus expressus utroque in leg. 1. §. Per servum qui fuga. ff. de Acquirend. posses. ibi: Licit respondeatur quamdiu ab alio non possideatur, a nobis eum possideri. text. in dict. leg. 3. §. Nerva filius, ibi: Excepto homine, eodem titul. textus in leg. Rem quam nobis. versic. 1. eodem titul. textus in leg. Pomponius in fin. principiis eodem titul. textus in leg. Si is qui pro emptore. §. Si servus. ff. de Usucap. textus in leg. Servi & filii. §. Illud. ff. de Furtis. textus in leg. Arboribus. §. de Illo. versicul. Julianus. ff. de Usufruct. textus in leg. penult. tit. 30. part. 3. si vero non sit occupatus ab alio, sed diu gerat se pro libero, utraque possessio perditur: textus est qui ita debet intelligi in leg. 3. §. Si servus & ibi communiter DD. ff. de Acquirend. possession.

109 Quinta conclusio: Quando utraque possessio vel aliqua earum retinetur mediante procuratore, tute, curatore, filio, servo, colono, vel inquilino, illa semper retinetur in absentia, etiamsi ille qui detinet pro absente, exeat de re, & illam derelinquit, nec sit in conspectu rei, vel prope rem: textus est in leg. Si colonus. ff. de Acquirend. posses. cujus verba sunt: Si colonus non deserendæ possessionis causa exiisset de fundo & eo rediisset, eundem locatorem possidere placet, & ibi notat Glossa Bartol. Ang. Paul. de Castr. Roman. & communiter DD. text. in leg. Clam possidere. §. Qui ad nundinas, eodem titul. ibi: Neminem reliquit. textus in leg. Si ad quod. §. 1. eodem titul. textus in leg. Qui fundum, in princ. ff. Pro emptor. textus in leg. 1. §. Quod servus. ff. de Vi & vi arm. cujus verba sunt: Quod servus, procurator, vel colonus tenet, dominus videtur possidere. textus in §. Idcirco, & in §. Non alii autem, ejusdem leg. textus in §. Possidere. versicul. Per eos quoque, Instit. de interdict. Ex quibus subtiliter inferas, quod talis detentor retinet in absentia suam detentioñem, qua mediante versus possessor conservat suam possessionem: &

istam illationem ponit Paul. de Castr. in dicta leg. Si colonus in princip. pro qua facit textus singularis & unicus in leg. Si finita. §. Si quis metu. ff. de Damn. infect. secundum Imol. Paul. Roman. & DD. ibi: de quo latius dixi supra ista lege. Secundò infertur à fortiori, quod si talis detentor locet vel deponat rem apud alium, semper verus possessor retinet suam possessionem mediante animo ipsius primi detentoris, etiamsi ille secundus detentor, qui actualiter habet rem, eam non habeat nomine possessoris, sed nomine primi detentoris, à quo secundus habet causam: textus est in leg. Qui universa. §. final. ff. de Acquirend. posses. quem ad hoc reputat ibi singularem Paul. Imol. Aretin. & communiter DD. Tertiò infertur, quod si talis detentor moriatur, vel efficiatur furiosus, retinet dominus & possessor suam possessionem, & eam non amittit nisi data ejus negligientia: textus est in leg. Si de eo. §. Si forte in princip. eodem titul. cujus verba sunt: Si forte colonus, per quem dominus possideret, decesserit, propter utilitatem receptum est, ut per colonum possessio & retineretur & continuaretur, quo mortuo dicendum est non statim eam interpellari; sed tunc demum cum dominus possessionem adipisci neglexerit, & reperio quod ad hoc illum textum dicit unicum Bald. in cap. Licit causam de probat. penultim. column. num. 4. sed adde ultra ipsum, quod similis textus est & expressus in leg. Si id quod. §. 1. eodem titul. cujus verba sunt: Et per colonos & inquilinos aut servos nostros possidemus; sed si moriantur, aut furore incipient, aut alii locent, intelligimus nos per eos retinere possessionem. Sed advertendum, quod inter hos casus est diversitas & differentia: nam quando detentor efficitur furiosus, nullam possessionem amittit dominus, sed utramque retinet; quia tunc saltem est persona, quae detineat: sed quando detentor moritur, bene retinet dominus civilem, sed amittit naturalem; quia

(u) Sed advertendum quod circa hoc se offert nova & subtilis difficultas: Quod requiritur in aliquo actu, requiritur etiam in distractu: textus in leg. Hæredes palam. §. Si quid post. ff. de Testament. textus in leg. 1. & per totam. ff. de Acceptationibus. textus in leg. Nihil tam naturale. ff. de Reg. jur. cum similib. sed possessio queritur corpore & animo, ut in leg. 1. ff. de Acquirend. posses. ergo similiter desistentia corporalis, voluntas & animus amittendi requiritur in possess. amittenda. Sed respondeo, quod principalior & efficacior causa in possessione est ipsa voluntas & animus, illa regitur, & gubernatur: ideo illa sufficit. Vel aliter & secundò, quod in quærenda possessione requiritur actus naturalis de ipsomet jure primævo naturali, argumento leg. 1. ff. de Acquirend. posses. quod quidem jus sequitur & imitatur jus nostrum civile positivum; sed in amittenda possessione non requiritur de jure illo naturali aliquis actus corporeus, nec solemnitas inventa: ideo de jure civili positivè sufficit solus animus & voluntas sine actu corporeo. Vel aliter & tertio: in quærenda possessione ideo requiritur actus corporeus & major solemnitas, quia agitur & agi potest de præjudicio tertii; in amittenda vero possessione solam agitur de præjudicio ipsius.

rem, possessor utramque possessionem amittit: textus est in leg. Peregr. §. Quibus explicitis. ff. de Acquirend. posses. in versicul. Ejus verò, cuius verba sunt: *Ejas verò, quod servi vel coloni etiam corpore possidetur, non aliter amitti possessionem, quād si eam aliis ingressus fuisse, & ibi Glossa ordinaria Bartol. Angel. & DD. text. in leg. 3. §. Quod si servus. Text. in leg. Si de eo. §. Si forte in fin. eodem titul. & ibi DD. Glossa & communiter DD. in leg. 1. Cod. Commun. de usucap. & idem, si talis detentor expellatur vel dejiciatur per vim ab ipsa re; quia tunc dominus & possessor utramque possessionem amittit: textus est in leg. 3. §. Quod si servus. ff. de Acquirend. posses. textus in leg. Peregr. §. Quibus explicitis. ff. eodem titul. textus in leg. 1. §. Quod servus. ff. de Vi & vi arm. ibi: *Et ideo his dejectis ipse dejici de possessione videtur, etiam si ignoret eos dejectos quos possidebat.* textus in leg. fin. eod. titul. Quid autem hodiè reperiatur correctum in his casibus? vide textus in leg. final. Cod. de Acquir. posses. & ibi Glossam magistralem. Bartol. Cin. Butr. Bald. Angel. Paul. Salyc. & communiter DD. Paul. & DD. in dicta leg. Si colonus. ff. eodem titul. Imol. & DD. in dict. leg. Peregr. §. Quibus explicitis, infra eodem & leg. 13. titul. 30. part. 3.*

Item adde juxta prædicta, quod si ipse dominus & sic possessor expellatur, & non ille detentor qui rem tenet nomine ejus, non amittit aliquam possessionem: quia non amittit naturalem quam tenet per alium, cum detentor non sit expulsus; nec amittit civilem quam tenet per se, quia censetur esse accessoria & consecutiva illius naturalis & in illa naturali habet fundamentum suum: textus est in leg. 1. §. Non alii autem, versicul. 1. de Vi & vi armat. cuius verba sunt: *Si quis me vi dejeicerit, meos autem non dejeicerit, non posse me interditio hoc experiri: quia per eos retineo possessionem, qui vi dejecti non sunt, & ad hoc illum textum notat ibi Glos. ordinaria Bartol. Angel. & communiter DD. secūs tamen est; quando dominus velit sua voluntate & contractu in alium transferre possessionem; quia potest, tam per actum verum, quād dictum, putā per clausulam constituti, vel alio modo, etiamsi talis detentor semper sit in re, nec eam tradat: ista est Glossa singularis & unica in jure in dict. leg. 1. §. Non alii autem in verb. Retineo. vers. Sed licet. ff. de Vi armat. quam Gloss. ad hoc notat & dicit se nescire, alibi Bart. ibi: notat etiam & commendat Ang. & alii DD. ibi: & illam Glos. ad hoc dicit valde singularem Bartol. in leg. Quod meo. ff. de Acquir. posses. in princ. 2. column. Paul. 2. col. post princ. & dicit unicam Imol. in leg. Peregr. §. Quibus penit. column. post princ. eodem titul.*

aper-

ubi pro ea adducit bonum textum & rationem ejus in leg. Qui universas. §. final. eodem titul. & dicit eam singularem ibi Paul. 2. column. in princip. illam etiam Glossam ad hoc dicit singularem Bald. in leg. Cum testamentum. Cod. de Juri & fact. ignor. 2. column. num. 2. idem Bald. in cap. cum venisset, de restit. spol. 2. column. num. 4. Card. in cap. Olim, el 1. eodem titul. p. multim. column. Illam etiam dicit unicam Bald. & Angel. in leg. fin. Cod. de Acquirend. possession. in finalib. verb. Aretin. & Alexand. in leg. 3. §. In amittenda. ff. eodem titul. 2. column. Vincent. ibi: 2. column. num. 5. & final. column. num. 12. Sexta conclusio: Quando quis habet utramque possessionem, vel aliquam earum, indistincte potest eam amittere solo animo & voluntate, etiam si actualiter insistat in re: textus est in leg. 3. §. In amittenda. ff. de Acquirend. posses. cuius verba sunt: *In amittenda quoque possessione affectio ejus qui possidet intuenda est, itaque si in fundo sis & tamen nolueris eam possidere, protinus amittes possessionem:* & ibi notat Glos. Bartol. Angel. Paul. Imol. & communiter DD. Quod intellige, quando verè intervenit animus amittendi possessionem: secūs quando non adest animus perdendi, sed nec possidendi; quia tunc non amittitur: Unde, furiosus, licet careat animo possidendi, non amittit, quia non habet animum perdendi: textus est in leg. Si is qui animo, eodem titul. & ibi notant DD. Confirmatur per textum in leg. Patre furioso, vers. Nam furiosus. ff. de His quae sunt sui vel alieni jur. ubi licet furiosus non possit contrahere matrimonium, quia requirit consensum; tamen bene retinet matrimonium jam contractum: textus in leg. Furor. ff. de Sponsat. text. in leg. Oratione. §. final. ff. de Ritu nuptiar. Item etiam, licet contractus qui consensu celebratur, non possit fieri à furioso; tamen gestus ante furorem bene valet & conservatur post furorem: text. est, juncta Glossa & communi opinione, in leg. 2. Cod. de Contrah. empt. textus in leg. Cum aliis. Cod. de Curat. fur. Item etiam testamentum, si sit perfectum & consummatum ante furorem, valet & conservatur etiam post furorem: text. in leg. Furiosum. Cod. Qui testam. fac. pos. & ibi communis opinio. Item etiam furor superveniens non tollit jurisdictionem, licet impedit exercitum: textus est in leg. Judex datus. ff. de Judic. & ibi communiter DD. Item etiam furor superveniens non revocat ea quae sunt perfecta vigore mandati: textus est in leg. Si quis alicui. ff. de Acquirend. hered. & ibi Bartol. & communiter DD. Secundò ex illa regula & conclusione infertur, quod dormiens nullam amittit possessionem, quia licet non habeat animum possidendi, non habet animum perdendi: &

aperte probatur ex dict. leg. Si is qui animo, Tertiò infertur, quod si ex diurnitate temporis vel multitudo negotiorum inducatur oblio, taliter quod possessor sciat se possidere, sed ignoret locum certum, rem, vel partem, quam possidet; tamen per hoc nullam amittit possessionem: Et in expresso istam sententiam, & conclusionem probat textus notabilis in leg. Peregr. in princ. ff. de Acquir. poss. ibi: *Nec infirmitatem memorie damnum afferre possessioni, & facit aperte text. in dict. l. Si is qui animo, & istam doctrinam & conclusionem tenet formaliter Aretin. licet non alleget praedicta jura, in leg. 3. §. Incertam eod. titul. 2. col. in medio, istam etiam doctrinam & conclusionem voluit Bart. in dict. l. Si is qui animo, in fin. eodem titul. idem Bart. in leg. Si aliquis rem 2. column. num. 2. eod. titul.*

110. Et ex hoc datur maxima differentia inter dominium & possessionem; quia licet possessio amittatur solo animo, tamen dominium non potest amittiri solo animo; & voluntate domini: text. est in l. Si quis vi. §. Si differentia, eodem titul. nisi decesserit à re, & eam velit habere pro derelicta, ut in leg. 1. & 2. ff. Pro derelict. text. in §. Hoc amplius, vers. Pro derelicto Instit. de rerum divis. text. in leg. fin. tit. 28. part. 3. Similiter etiam datur alia subtilis differentia; quia dominium, vel jus, quod in alium volo transferre etiam mediante titulo & traditione, non amitto, si ei non possit queri, licet ei realiter tradam: textus est notabilis & subtilis in leg. Nec utilem. ff. Ex quibus caus. major. & ibi notant Alber. Bald. & communiter DD. text in leg. Cum quis. §. Si debitorem. ff. de Solutionibus. & ibi Gloss. ordinaria. Bartol. Angel. Paul. post Jacob de Aretin. & Antiquos: textus in leg. Vir uxori, vers. Sed si promissor. ff. de Donat. inter vir & uxor. & ibi Gloss. & Raph. Fulgos. qui reputat hoc esse notabile: possessionem vero statim amitto, si alteri rem trado; licet accipienti non queratur: text. est in leg. 1. §. Si vir uxori. ff. de Acquirend. posses. text. in §. Per procuratorem ejusdem l. textus melior de jure in leg. Quod meo. §. Si furioso, eod. titul. ubi si quis tradat rem furioso, quem sanæ mentis existimat, animo & voluntate transferendæ possessionis, licet ei non queratur, statim tradens amittit: & ratio differentiae est, quia in amissione dominii intervenit damnum irreparabile, cum dominus amplius illud consequi non posset, possessionem vero sic: & istam

Secundò reperio in hoc articulo aliam novam & subtilem opinionem, quam ponit Doctor. de Segur. in Repet. leg. Quemadmodum. ff. de Acquir. posses. 5. col. ubi dicit, quod si lex, vel statutum indistincte & absolute diceret, quod transferatur possessio sine aliquo actu apprehensionis; tunc hoc non possit facere vel inducere: si vero lex dicat, quod transfertur

(x) De hac possessione plura scripsere Berengar. in §. Nihil commune, cap. 1. numer. 24. Segur. in leg. Quemadmodum, num. 8. ff. de Acquir. posses.